

# Tradutzionis in sardu de is comunicatzionis istitutzionalis aparèssidas in portali istitutzionali de su **Comunu de Portescusi** in su mesi de **MARTZU 2023** a in curu de su **Sportellu Lìngua Sarda**

## **01) Contributus a is assòtzius localis (06/03/2023)**

### **COMUNU DE PORTECUSI**

**Provìntzia Sud Sardigna**

Su Dirigenti de s'Àrea 1

### **Tèrmini presentazioni istàntzias: 16 de martzu 2023**

Premìtiu ca est interessu de su Comunu de Portescusi sustenni s'atividadis de arricreu, agregativa e sotzialis fata de is Assòtzius chi traballant in s'àmbitu de su territòriu comunali;

Arremonada sa Lei 241 de su 1990 chi in s'art. 12 narat: “Sa concessioni de suventzionis, contributus, sussidius e ausilius finantziàrius e s'atributzioni de vantàgius econòmicus de calisiat genia a personas e entis pùbblicus e privaus funt subordinaus a sa predeterminatzioni de parti de is amministratzionis protzedentis, in is formas prevèdias de is ordinamentus insoru, de is critèrius e de is modalidadis chi is amministratzionis etotu si depint atenni”;

Bistu su Regulamentu, aprovau cun Deliberatzioni de Consiliu Comunale n. 10 de su 26.02.2013, chi disciplinat “S'erogatzioni de contributus, ordinàrius e straordinàrius in favori de is Assòtzius chi operant in su territòriu de su Comunu de Portescusi”;

Stabiliu ca a su Tiulu I de su Regulamentu Comunali arremonau si disciplinant tempus, maneras e critèrius de assegnatzioni e partzidura de is risorsas destinaus a is Assòtzius, in matèrias de contributus ordinàrius;

Cunsiderau ca, in prus, in su Titulu III, est disciplinada s'istitutzioni de s'Albu de is Assòtzius chena de scopu de lucru, chi est netzessàriu a essi iscritus po beneficiari de calisiat forma de suventzioni, contribuutu o patrocìniu reconnotu de su Comunu de Portescusi

Cunsiderau oportunu fai a connosci s'avisu pùbblicu finalizau a s'erogatzioni de contributus ordinàrius po s'annu 2022;

Considerau ca cun deliberatzioni de G.M. 97 de su 06/12/2022 est stètiu donau s'atu de inditu po sa cuntzessioni de contributus, stabilendi is tèrminis po sa durada de publicatzioni de s'avisu etotu;

Tentu in contu ca cun Determinatzioni dirigentzialis n.2355 de su 15/12/2022 est stètiu publicau s'avisu po sa cuntzessioni de contributus in favori de is Assòtzius culturalis e de voluntariu de su territòriu cun scadèntzia a su 30 de mesi de idas 2022;

Tentu in contu ca a su tèrmini de presentazioni de is istàntzia funt arribadas a su protoclllu de s'Enti unu nùmeru de istàntzias uguali a 11, invècias is àteras annualidadis su nùmeru est costumau a essi prus artu, cunsiderendi puru ca a custu avisu no ant partecipau assòtzius stòricus chi tenint, a intrus de sa comunidadi de Portescusu, unu ruolu assotziativu de importu e assòtzius prus giòvunus chi funt traballendi beni meda in favori de sa comunidadi in is ùrtimus annus;

Stabiliu ca po s'avisu pùbblicu in argumentu est stètia donada pubblitzidadi adeguada ma dàbili a pentza i ca sa partecipazioni non totali iat a podi essi stètia causada po mori de sa publicatzioni

fata in is ùrtimas 15 diis de s'annu, in prenu de is festas de Paschixedda,;

Acrarau puru chi custa contributzioni est unu sènniu de importu is realidadi assotziativas, chi sena de scopu de lucru, traballant in su territòriu fendi-ddu prus vidali e operativu;

Acrarau cantu nadu in antis, si cumprendit cun fatzilidadi chi s'agiudu, mancai mìnimu de custa contributzioni pon potzat essi trascurau;

Considerau ca in sa basi de custas valutazzionis s'òrganu cumpetenti, po mèdiu de deliberazzioni de GM n. 6 de su 9 de friaxu 2023, at stabiliu de bolli torrai a oberri is tèrmini po un'àteru arcu temporali de 15 diis po permiti a is assòtzius in premissa de pigai parti a sa cuncessioni de is contributus de s'Enti po su faimentu de is atividadi istituzionalis inosru e prevèdias in s'istatutu insoru;

Acrarau ca is resorsas, ugualis a èrurus 9.350,00, funt giai stètias prenotadas cun sa determinazzioni giai arremonada e asserint disponibili a su capitulu de bilànciu 01111009/2023 – impegnu provisòriu 2134 in contu resìduus 2022;

## FAIT SCIRI

*Ca funt torra abertus is tèrminis po sa presentazzioni de is domandas po su riconoscimentu de contributus ordinàrius, de destinai in favori de is Assòtzius, grupus, comitaus, cunregatzionis e parròchias chi persighint scopus de interessu pùbblicu in favori de sa comunitadi de Portescusi, insitas in su mandadu insoru e chi tenint su caràteri de s'ordinariedadi.*

### **Art. 1 – Sugetus benefitziàrius**

Podint presentai dimanda de contribuutu is assòtzius, is grupus, is cunregatzionis, is parròchias chi:

1. Apat fatu in manera regulari s'atividadi istituzionalis insoru, sena de scopu de lucru in su 2022 fendi atividadi/manifestazzionis o interventus in unu o prus àmbitus de interessu che su civicu, sociali, culturali, ambientalisticus, culturali, religiosu, educativu e formativu;
2. Potzant vantai de ai tentu un'esperientzia significativa in s'àmbitu de s'atividadi insoru, de assumancus un'annu (cunfronta s'annu de riferimentu - 2022);
3. Operint in su territòriu comunali de Portescusi e chi tengat in cussu territòriu etotu sa sea legali;
4. Siant iscrita in manera regulari in s'Albu Comunali (art. 13 Reg. C.C. n. 10 de su 26.02.2013);
5. **Is chi no apant giai presentau istàntzia in risposta a su bandu chi teniat scadèntzia prevèdia po su 30/12/2022;**

### **Art. 2 – Tipologias de interventus finantziàbilis**

Su Comunu bolit sustenni is interventus e is atividadi chi mirant a :

- Prommovi atividadi e eventus de interessu utilidadi pùbblica, chi si pongant e attività ed eventi di pubblico interesse ed utilità, che si pongat sa punna de arricai, in generali, su pillu culturali, religiosu, edicativu, formativu, ambientali, sotziali e turisticu de sa bidda;
- Avalorai sa cundizioni de is giòvunus;
- Contribuiri a s'elevazzioni de su livellu de sa vida assotziada e de is articulazzionis pluralisticas in favori de is fàscias de edadi diversas;
- Fai cresci su prestìgiu e sa màgini de sa tzitadi in s'interessu colletivu;
- Torrai a cualificai is struturas e is logus chi giai esistint in sa tzitadi in d-unu grupu de progetus culturalis conàscibilis e significativus.

### **Art. 3 – Critèrius po s'assegnazzioni de su contribuutu**

De chi est averiguau su possuessu de is rechisius de basi, sigundu is art.s 1 e 2 de custu avisu, s'at a protzedi a sa partzidura, in funtzioni de:

- puntègiu otentu, in relazzioni a sa griglia de valutazzioni scritta asuta (art. 6 regulamentu

comunali):

<b>Critèrius</b>	<b>Puntègiu</b>
Rispondèntzia cun is finalidadis indicadas in s'art.2 (art. 3 de su regulamentu comunali), e gradu de utilidadi sotziali, formativa, culturali, tzìvica in favori de sa comunidadi locali	Max 5 puntus
Rapresentatividadi de su sugetu richeridori (esperientzia, radicamentu, rilevantzia de s'atividadi vata po sa comunidadi portescusesa)	Max 5 puntus
Originalidadi e annoamentu de sa proposta progetuali in relatzioni a is setoris de interventu sigundu s'articulu 2 (art. 3 de su regulamentu comunali)	Max 10 puntus
Gradu de cumpartecipatzioni a is spesas – sponsor o contributus voluntàrius de Enti pùbblicus o privaus	Max 5 puntus
Gradu de coinvolgimentu de àterus assòtzius o sugetus chi operant in su territòriu, cun sa punna de fai unu traballu de retza	Max 5 puntus
Durada s'initziativa	Max 5 puntus
Rilevantzia de s'atividadi in s'acreditai in campu regionali, natzionali e internatzionali sa Tzitadi de Portescusi e is resorsas suas.	Max 15 puntus
Iniziativas in favori de is prus piticus e de is prus giòvanus.	Max 5 punti

Pretzisau ca a su scopu de assigurai chi s'istrutòria siat sa prus ogetiva possibili, est netzessàriu stabiliri sutacritèrius cunfronta a sa griglia de valutatzioni prevèdia in s'art.6 giai arremonau, torrendi a paramentrai unas cantu fàscias de puntègiu cunfronta a s'assòtziu chi at fatu unu nùmeru de eventus prus artus cunfronta a is àteras. Custu permitit de donai pesu adeguau a is iniziativas fatas.

<b>Critèriu</b>	<b>Sutacritèriu</b>	<b>Sutacritèriu</b>	<b>Sutacritèriu</b>
Rispondèntzia cun is finalidadis indicadas in s'art 2 (art. 3 de su regulamentu comunale), e gradu de utilidadi sotziali, formativa culturali, tzìvica in favori de sa comunidadi locali- - valutatzioni ùnica a segunda de s'atividadi fata	<b>Sotziali=5</b>	<b>Formativa=3</b>	<b>Sotziali/ agergativa=1</b>
Rapresentatividadi de su sugetu richeridori (esperientzia, radicamentu, rilevantzia de s'atividadi fata po sa comunidadi portescusesa): si fait una mèdia de is duus puntègius otentus	<b>Nùmeru de assòtzius</b> prus de 150=5 pts de 51 a 149=3 pts de 0 a 50=1 pt	<b>Longevidadi de s' assòtziu</b> de 25 e oltre=5 pts de 10 a 25 =3pts fintzas a 10=1pt	

Originalitati e annoamentu de sa proposta progetuali in relatzioni a is setoris de interventu ammittius (art. 3 de su regulamentu comunali) – si fait una mèdia cun is duus puntègius otentus	<b>organizzazioni eventos</b> prus de 10=10 pt da 8 a 10=7 pt da 6 a 7=5 pt da 3 a 5=3pt da 1 a 2=1 pt	<b>Partecipazioni a eventos</b> prus de 10=10 pts de 8 a 10=7 pts de 6 a 7=5 pts de 3 a 5=3pts de 1 a 2=1 pt	
Gradu de cumpartecipazioni ai spesas – sponsor o contributus voluntarius de Entis Pùbblicus o privaus	<b>Cumpartecipazioni a is spesas po eventos pròpius</b> de 70 a 100%=1 de 40 a 69%=3 de 1 a 39%=5		
Gradu de coinvogimentu de àterus assòtzius chi operant in su territòriu, cun sa punna de fai unu traballu de arretza	<b>Traballu de retza a is eventos pròpius</b> de 70 a 100%=5 de 40 a 69%=3 de 1 a 39%=1		
Durata dell'iniziativa <b>Torrau a parametrai a su nùmeru màssimu de eventos fatu de un'assòtziu</b>	<b>Espressau in diis po eventos pròpiu</b> de 1 a 2 diis= 1 de 3 a 5 diis=2 de 6 a 10 diis =3 de 11 a 20 diis=4 prus de 20 diis=5		
Rilevànzia de s'atividadi in s'acreditai in campu regionali, natzionali e internatzionali sa Tzitadi de Portescusi e is resorsas suas – si fait sa mèdia de is tres puntègius otentus e cun su nùmeru mannu de eventos fatu de is assòtzius participantis	<b>Eventu pròpiu e non, capassu de acreditai Portescusi a livellu</b>  REGIONALI=5 NATZIONALI=10 NTERNATZIONALE =15		
Iniziativas in favori de is prus piticus e de is giòvunus (eventu pròpiu) <b>Torraus a parametrai a su nùmeru màssimu de eventos fatu de un'assòtziu.</b>	EJA= 5	NO=0	

**Is iniziative, fatas in s'annu 2022 o in sa programmatzioni de su 2022, chi su comunu at giai donau resorsas, fintzas in manera indereta, no ant a essi ogetu de istrutòria.**

Is percentualis de erogazioni de su contribu iant a podi subiri variatzionis in sa basi de su stantziamentu in su bilànciu. Cun su scopu de non disponi de economias eventualis, s'at a protzedi a sa partidura de is resorsas in manera proportzionali a su puntègiu acuisiu.

#### **Art. 4 – Modalidadi de partecipazioni e tèrminis de presentazioni de is demandas.**

In sa basi de sa modulistica a disponimentu, is utentis interessaus podint presentai istàntzia in manera improrogàbili a intrus de is oras 12:00 de sa dii 16 de martzu 2023 (oras 23.59 si sa documentazioni est trasmitia po mèdiu de pec a s'indiritzu de s'enti) – est a narri a intrus de sa de cuidixi diis de sa data afatanti a sa publicazioni de custu atu in s'albu pretòriu de s'Enti.

Sa domanda s'at a podi intregai a su Comunu de Portescusi in duas maneras

1. trasmissioie via pec a s'indiritzu [comune.portoscuso@pec.comune.portoscuso.ci.it](mailto:comune.portoscuso@pec.comune.portoscuso.ci.it)

#### **DE IMPORTU**

*In custu casu, po chi sa documentazioni arribit a destinazioni, est netzessàriu chi sa trasmissioni si fatzat de un' indiritzu de posta eletrònica certificada (pec) e NON de un'indiritzu de posta ordinària. Sa documentazioni alliongiada a sa pec depit essi trasmitia in forma de unu file ùnicu in formau pdf (istàntzia e totus is documentus netzessàrius arricchèdidus). Custu est circau cun sa punna de fai prus simpli s'istrutòria. Po criai unu file ùnicu si podit oberai unu programma sìmbili a es. <https://smallpdf.com/it/unire-pdf>*

2. intregada a manu a s'ufitziu protocollu de su Comunu de Portescusi.

#### **Art. 5 – Documentazioni de trasmiti**

A corredu de s'istàntzia – **Alliòngiu 1** – sutascritus in manera pretzisa si depint assungi is documentas afatantis:

- Relazioni curtza a pitzus de s'atividadi ordinària e straordinària fata in s'annu 2022;
- Còpia conforma a s'originali de su bilànciu consuntivu relativu a s'annu ogetu de finantziamentu, opuru s'ùrtimu chi est disponìbili in manera efetiva;
- Còpia cunforma a s'originali de su verbali de setziada de aprovazioni de su bilànciu de s'annu ogetu de finantziamentu donau de s'òrganu deliberativu cumpetenti po mori de su statutu, a firma de su rapresentanti legali de s'Assòtziu, opuru s'ùrtumu chi est disponìbili in manera efetiva;
- Dicrarazioni sostitutiva de atu notòriu relativa a sa comunicazioni de is estremus de su contu currenti dedicau (art. 3 Lei n. 136 de su 13/8/2010) – su contu currenti dedicau depit essi intestau in manera obligatòria a s'Assòtziu richeridori. Si mancat custa indicazioni non si podit incarrerai s'erogazioni de su contributu eventuali;
- Còpia fotostàtica de su documentu de identidadi in cursu de valididadi de su Presidenti/Rapresentanti Legali de s'Assòtziu.

#### **Art. 6 – Càsusas de esclusioni**

Funt arrexoni de esclusioni is cunditionis afatantis:

- sa mancàntzia de is rechisius sigundu is art.s. 1 e 2 de custu avisu;
- sa non completenessa de s'istàntzia e su de non oberai sa modulistica posta a disponimentu;
- su de no arrispetai is tèrminis e is modalidadis de presentazioni de s'istàntzia prevèdius in s''art. 4.

#### **Art. 7 – Istrutòria de is demandas e determinazioni de is contributus**

Po su chi no est prevèdiu in manera espressa de custu avisu si mandat in manera integrali a is articulus de su regulamentu in vigèntzia.

S'ufitziu cumpetenti at a provedi a sa verìfica de sa curretesa e de sa completenessa de is demandas presentadas.

In sa basi de is demandas cunsideradas ammissìbilis sa'nt a aleborai is gradutòrias provisòrias, chi

s'ant a publicai in s'Albu Pretòriu de su Comunu.

Is tzitadinus interessaus ant a podi presentai, osservatzionis eventualis o oposizionis po erroris o àteru, a s'Ufitzius Afàrius Generalis in is 5 diis afatantis a sa data de publicatzioni in s'Albu Pretòriu.

De chi funt passaus cuddus tèrminis, s'at a provedi cun atu aprontau apostadamenti, a s'aprovatzioni de is graduatòrias definitivas de is beneficiàrius e a sa licuidatzioni de is summas chi spentan a is chi tenint deretu.

Si in casu su Comunu de Portescusi bantit unu crèditu po s'impreu de is benis comunalis, s'erogatzioni de is beneficius podit essi suspèndias fintzas a s'assolvimentu caso in cui il Comune di Portoscuso vanti un credito per l'uso di beni comunali, l'erogazione dei benefici può essere sospesa fino all'assolvimento dell'obbligazione ovvero decurtato direttamente quanto dovuto, a seguito di comunicazione del dirigente competente nella gestione degli immobili comunali (dirigente area 2).

#### **Art. 8 - Modulistica e informatzionis**

Sa modulistica netzessària po partecipai a custu avisu si podit scarrigai dereta de sa Home Page situ de su Comunu de Portescusi in sa setzioni news (eventualmente in archìviu) e in "bandi e gare" e in "Amministrazione trasparente". Pregontas eventualis podint essi mandas a s'atenzioni de sa dotora Maria Luisa Lai, a s'indiritzu e-mail [ml.lai@comune.portoscuso.ci.it](mailto:ml.lai@comune.portoscuso.ci.it)

#### **Art. 9 – Tratamentu de is datus personalis**

Su tratamentu de is datus personalis chi funt in sa documentatzioni chi s'at a presentai a s'Enti Cumpetenti (Comunu de Portescusi), at a essi gestiu sceti in s'àmbitu de su protzedimentu e in su respetu de is dispositzionis de su Regulamentu europeu po s'amparu de is datus (Ue 679/2016). Si podint agatai prus detàglius in s'informativa alliongiada a custu avisu.

#### **Art. 10 – Integratzionis, controllus e santzionis**

s'Ufitziu cumpetenti at a protzedi sigundu sa Lei 241/90 a circai integratzionis eventualis netzessàrias. In prus at a incarrerai is controllus formalis a pitzus de is autocertificatzionis sigundu is art.s 43 e 71 e afatantis de su D.P.R. n° 445 de su 28 de austu 2000 e mudas afatantis.

Abarrendi firmas is santzionis sigundu s'art. 76 de su DPR giai arremonau, si in casu de is controllus fatu essat a pillu sa non veriditzidadi de is decraratzionis donadas, su decraranti decadit de is beneficius cun s'esclusioni consighenti de s'elencu de is chi tenint deretu.

Portescusi, 01.03.2023

02) Contributus a is assòtzius localis (10/03/2023)

## COMUNU DE PORTECUSI PROVÌNTZIA DE SU SUD SARDIGNA

### 14 MARTZU 2023 – DII DE MICROCHIPADURA PO IS CANIS CHI NON FUNT ANCORA ISCRITUS A S'ANÀGRAFI DE IS CANIS.

Si fait sciri a sa citadinàntzia ca custa Amministratzioni de acòrdiu cun su Dipartimentu de Preventzioni – Servìtziu Igeni de is Allevamentus e Produzionis Zootènicas de s'ASL Sulcis – at organizau **una dii de microchipatura a in donu po is canis.**

Custa atividadi s'at a fai sa dii 14 de martzu 2023 de is 15:00 a is 17:00 in su capannoni de is Servìtzius Tecnològicus Manutentivus de custu Comunu chi est in Via Dell'Artigianato n° 34 in zona P.I.P.

Cunsidera ca s'iscritzioni a s'anàgrafi de is canis, est po is meris un'obbligu prevediu de sa Lei Regionali n. 21 de su 18 de maju 1994, is interessaus funt invitatus a andai in sa sea giai inditada po protzedi a sa registratzioni de s'animali insoru.

Is meris de is canis si depint presentai cun su documentu de identidadi vàlidu e su còdixi fiscali.

Po sa microchipadura nci podi lompi su cani fintzas unu sugetu diferenti de su meri, tali chi siat magiorenni, tengat sa dèlega e unu documentu de identidadi.

Is mèigus veterinàrius nci ponint a su cani unu microchip aundi ddoi at unu còdixi identificativu. Custa operatzioni non causat suferèntzia a s'animali e a su meri ant a donai su certificau de sa registratzioni fata a s'anagrafi de is canis.

SU SÌNDIGU

Dot. Atzori Ignazio Salvatore

### **03) Contributus a is assòtzius localis (10/03/2023)**

## **COMUNU DE PORTECUSI**

PROVÌNTZIA DE SU SUD SARDIGNA

UFÌTZIU SERVÌTZIUS SOCIALIS

recàpitu: Telèfonu: 0781/5111435 - 5111419

Dot.a Pisu Maria Cristina - Email: mc.pisu@comune.portoscuso.ci.it ;

# **AVISU**

Si fait sciri ca cun determinazioni dirigenziali n.323 de su 15/03/2023 est stètia aprovada sa graduatoria provisòria de is utentis beneficiariis de su contributu de is cànonis de locazioni annualidadi 2022- L.431/1998.

Si podit presentai osservazioni non prus a trigadiu de su tèrmini de 10 diis de sa publicazioni de sa determinazioni dirigenziali;

Is atus de su procedimentu funt depositau in s'ufitziu amministrativu de is Servìtzius Socialis;

Po informatzioni si podeis rivolgi a s'Ufitziu sociali a su nùmeru de telèfonu afatanti 0781/5111435 – 5111419.

Sa responsàbili de su procedimentu

F.au Pisu M. Cristina